

Tlayakanalistli Kualtlixiktli



Amaisuatl uejchiua
kenijki mochiua



Katli kipiya

- Tlanextilili
- Katli kijtua
- Kualtlaxixtlachiuahlistli
- Kualtilili kualtlaxixtli
- Katli motekiua
- Tekpantli katli mochiuas
- Mistitl ni tlixiktli ua matlapaleuijkejtl katli motekiua
- Katli moneki kema ti tlakualchiuas
- Kenijki mokuatilis tlen kiampa kuali tekiyouas
- Katli moneki mokuatilijtias
- Seyok tlamantli uelis mochijchiuas
- Tlayekulistli uampux ka uampux
- Petonilistli
- Tlapaleultiani ni tlayekolistli



Tlayakanalistli Kualtlaxixtli
lyojok amanahua tlachijchihuali 2009

Servicio, Desarrollo y Paz A.C. amo
ki temoua uextominpixketl,
ua uejkapan kayotl, kiampa katli
kij toua: Acta Constitutiva Pública
Número 48111 Vol. 951, fojas 228,
tonali 30 tle makuili
metztli tle1983, te maktilia
Notario Público Número 117
de la Mexko Altepel, D.F.

Tlanextilili

Ni tlanextili katli ankipiaj paj amomax kentzi amaisuatl, uejchiua kénijki tlej tij kualchichiuas motlixik, katli tikita ni tlachiuahlistli, uaj ni tlanextili amo sansejku eltok, katli xij mati amo sa yayani xijtokili, mochijchiuas kej to uampuxua momelauaj paj ni teyouali, tlej ni Koxtekapantlali.

Ni ama tlanextilili, ni se pixkilistli tlej se tekitl mochijchijtiuaha ke se nemachtli sentik mojmulinotok, mokuatilitij mojmotla ni tlanextilili paj teyoualmej, katli mochiua ni tlanextilili moneki miyakiyasej ika tlamachiyani, kampa mokuatilijtias nemilistli, teyoualme Nauame, ua Koxtekame tlej kampa tlatilana ni Koxtekapantlali, ua nemokuitlauilistli, kuatlaxoxouili, nij tlamachilistli uala, tlej se tzontli ika chiknau makuilpuali ua najpuali ika majtlaktli iuan ome, 1992.

Kampa tlanextiliyani tlej nopa tlanechikolistli motokaxti Sansé Xilitla, ki iximatke nij tlachiuahlistli itokax tlixixzokixali, se to uampux chane anali, kiampa kitokaxti, pampa tlachiuahli sokitl ua xali, se nejnemilistli anali Tlajko to Tlaltijpak, mochijki se nepantlayekolistli tlej uampuxme, teipantonali ipa sej tzontli ika chiknau makuilpuali uan najpuali ika majtlaktli uan eyi xiuitl, 1993, mochijchijki iyojuk se kualtlaxixtli paj se icha to uampux tlej momelaua Teyouali itokax Tlakakuauitl, ejido Petatillo, kiampa ti tlanextilisej paj ni Koxtekapantlali tlej yayampa tonali Nahua tlanechikuli ua tlapaleuijketl tlej itokax. Tlapaleuil Moskaltiketl/SEDEPAC, ki olinijtuk kualtlaxixtli patlatok kentzi kej pejtok tlixiktli, tlej kampauehli, nikaj ua sekinok altepetl.

Ama ti kiximati kualtlaxixtli, kiampa ti kitziase kej amo tlauehli patlatok kej tlachijchihuali. Ni kualtlaxixtli kikotona miak tlej ni poktli ijyotilanistli kampa mochiua tlakuali, ika ni moajokui miak kuauitl moololua se 30 o 45% katli motlatiya, ika ni tlayekolistli, monejneuhli se tlapaleuili, katli kiyekujtiuij, asis se tonali ki iximatisej miyakij.



Katli kijtua

Ipa ni Koxtekapantlali, ua tlej iuexka ni Mexko tlali, kejipa kitekiuiaj kuauitl ika motlamakaj, teyoual maseualme.


Kiselia tlanauatilkamanali kénijki motekiuis kuauitl, katli motlatia mojmotla kiampa amo motlanuis kampa ti itztokej.



Katli ni ti kitztiuij tlaueuelokati ua tlanti kuame, amo pampa tij tlatia, ni pampa seki kejueli kuatzonteki, o tla inka kipatlaj tlatoktli.

Tlaj kiampa tijmachilise kuali tijtlatise sankatli uajuaki kuauitl o katli matepeui ua kiampa tij mokuitlauisej kuayojmej.

Katli ipa tlixiktli amo neltijtekiuia nochi tlatotonilotl, seseya nimaj, pampa tlaueel kaktok, kineki miak kuauitl, ua kampa kaltlakualistli temi poktli uan tlatiljuiya, se ixtlatla, ua teipa se kokoya paj se ijyotlatilanka.



Kijkuito kuauitl ka tlakualchihuase



Ipaj tlixiktli



Texamitl tlatetonijketl tlaxakualol tepejpechtli ua kaltemitl sepaj




Texamitl, tlatetonijketl kuatlapechtli ua tlali

Kualtlixiktlachiualistli

Ni tlachiualistli ki ajokui tlatotonilotl ua kipiya kampa kisa poktli, moixkopina katli ipa eltok tlixiktli uejkapantzi ua kipiya ome tlixiktli kampa isi memeli ua etl, tlej kiampa amo xpoliuis ueuejtlaximatilistli. Texamitl, tlatetonijketl kuatlapechtli ua tlali tlatetonijketl tetl ua kaltemitl yaualtik texamitl tlatetonijketl tlaxakualol tepejpechtli ua kaltemitl sepaj.

Sej kiuantia kentzi ika teposkuapipitzi ua tetlatixtli, ua motekiuia katli onka ipaj teyouali katli amo mokua, ua amo motekiuia, katli pajpatiyo kej tepostli o mopatlatis sokichachapali iua sokikomali.



Kénijki mokaua ijitik tlixiktli





Kualtilili kualtlixiktli



Tlej katli ipati, ika mochijchiua sankualtzi ipati, ua momelaua paj teyouali.

Kentzi kuauitl motekiuia, ua kentzi tonali motemoa kuauitl, ua kentzi tomi.

Ki kualtilia nemili, auime ua kuejtzitzi, ayekmo ki ijyotilana poktli kentzintia kokolistli tlaijyotilanalistli, ua kokolistli paj to ijyotlatilanka.

Ayekmo ti moajkoltlatis kema ti tlakualchiuaj, ua ayekmo uetzis mo chachapal ua motlatis se mo okichpil.

Kentzintia tekitl, tlej ti tlakualchuias, pampa kipiya eyi o naui kampa momana tlakuali.

Tlej yejyektzi, ti tlakualchuias amo ti momatlatis o ti moixtlatis kema ti tlaxkaloua.

Kema ti petonis, ti tlaxkaloua, uelis ti kixkas tzopelik memeli, tlajkayotl, kamojtli, pampa mokaua tlatotonik ua tlikoli.

Mokaua tlaalaxtik kalijtik kentzintia kuichtli, ua chachapali amo kuichtiya.

Kiampa se ki mokuitlauia kuatlaxoxouili pampa kentzi kuauitl tij tlatiya, kiampa tlakualtiya.



Tla ixnextili keniki tlachichiuali



Katli motekiuia

- 7 Chikome kobeta sokitlali uaktok, tlatzejtzeluli.
- 4 Nahui kobeta, xali tlatzejtzeloli
- 12.5 Matlajktli ua ome uantlajko kg. istaknextli
- 50 Ompuali ua majtlaktli kg. tetlatixtli
- 21 Sempuali ua se sokitlaxkili, ika 5 makuili texamitl (Tlaj inka, saj texamitl, ya uajka 7 chikume)
- 4 Naui tlatamachiuali mts., teposkuapipitzli
- ½ Tlajkotlatamachiuali mts. piyotepostzatzayitl
- Se ome tepos akatl kampa kisas poktli
- 1 Se tepostzontzajkayotl
- ½ Tlajko kobeta tlikokuanextli tlatzejtzeloli
- Yaja atl, o tlaj eltok nexkuitla atl maskuali
- 1 Se teposkomali o sokikomali
- 1 Se lt. chapopojtli (ki axilis naui tlixiktli)





Tekpantli katli mochijchiuas

Katli tekiyuas tlapechtli iyajok Pejpechtli uelis katli ueli, tlej katli kijiyouis miak tlitl.

Paj ni tlayualol tlali, katli tlauei motekiua pejpechtli, tlej kuauitl katli eltok teyoualme, mochijchiua ika tlali.



Ki chijchijituij tlali paj kuatlapechtli

Tlamistiui

Tlej ni uekapan pejpechtli kipiya 1.15 mt, tlej iueueyaka ua 1.05 mt. ikoyajka, ua 50 cm., o 67 cm. tlej iuejkapanka, ni iuejka mopatla kentzi, katli iuejka se tlakualchijketl. Kema an ki chiuasej amotlixik moneki tlej anomej, kiampa anki itasej kenijki mokauas kuali.

Kampa motlalis ni tlapechtli

Kampa mochijchiuas ni tlixiktli moneki, itzots tlamachtijketl ua kalpixketl kiampa moitas, kanke mochiuas, tlej amo tla susuliuus. Moneki miak tlanejneuilistli kampa mochiuas tlixiktli, ika ikamanal tlakualchijketl. Moneki tlaj kipiya ya itlixik paya mochijchiuas, amo ki ijkuinis.

Tlatzejtzelo tlali uaktok

Iyajok momanelos tlali, xali, istaknextli, ua tetlatixtli kuali tlamaneluli uaktok tlej mokauas seja y xajka.

Moneki moitas iyajok, tlaj nochi ya eltok tlatekpanali katli ki uikas, achtoui kema moauis.




Kimanelojtokej tlali, xali, istaknextli, kuanextli ua tetlatixtli

Tlatekpanali


Nij tlatekpanali, moneki mokauas tlapojtok kampa mo tojtokis. Moatekis, kiampa kuali tlatzkis, ua amo tlatlapakas.

Nojkiya moneki mokauas kentzi i tlamapayo 20 o 40 cm, kampa mote-tunis tlikuauitl, nojkiya kampa moseuis chachapali.



Tlaixnextli 1 - tlatekpanali teposkuapipiztli

Teposkuapipiztli kipaleuia sokitlaxkili



Mokotona ome teposkuapipiztli tlatamachiuili 1 mt. ua makuili kuechtik 45 cm., iyajok yau i ome ueueyak ua ome kototzitzi imelak kampa momanas chachapali ika uejkapa ke se tekauayo, sempa motekpana sokitlaxkili.

Ni teposkuapipiztli yau achi miyak kampa momanaj chachapalmej pampa achi etetik kiampa ki ijyiois. (tlej xikita tlaixnextli 1)



Tlatekpanali, ki chixtok sokitl

Sankualtzi moauis amo mokauas tzotzoltik, tla inka amo uaktiuetzis, tla tlauei tzotzoltias moneki motemilis istaknextli o kuanextli.

Nopa sokitl moneki mokauas ke tixtli, amo tlauei tzotzoltik ua amo tlauei uaktok.



Iyojok ki atekia kentzitz

Iyojok mopeualtia momanelua ika tepospala teipa etiya uajka moneki ika se iixi, uelis mopaleusej eyiij o nauij uampuxme, ipaj ni kakiuili, yayani pakilistli kampa uelis, tlaj akij tlatzotzonas ke tijmijtojtinemij.



Tlapatlatinemij ika ini ixi mouejkaua 25 minutos



Iyojok mopeualtia mopepechua tlalchi ipan texamitl kiampa mouika, kej mochiua se kali.

Sempa motekpana kototzitz teposkuapipitztl, kampa motlitojtokis

Ki makilia motekpana teposkuapipitztl tlej iixpa iua ika iika kampa mo- seuis chachapali no uelis motlalis se kototzi kuaxilokauaitl o katle mokauas malakachtik ke lemete, kobeta kampa tla lelemekas.

No yatza uelis motlalis se tlenijki yaual kumultik, ua tlaj inka ka se imax se kiyaualos.

Ka uejkapa kisati se ome makpili tlej itilajka sokitl, ua moneki motlouisolis chikauak pa sokitl, tlej amo, mokajtias kaktos.

**Ixteyoli – moneki se makpili itilajka sokitl motlalilijtias nopa sokitlaxkili tlej kiampa, ki asiti tlej iuejkapanka se texamitl.*



Ki pepechojtuij sokitl kampa momanas tlakuali



Ki pepechojtuij sokitl pa sokitlaxkili ua texamitl



Ki ixkopina kampa tlakualchiuase

Petoni mopepechua, sempa moxitlaua, ka uejkapa nojkia petoni, motekiuia teposme katli ka moxitlajti se kuauitl xitlauak, ua se tepostlauakalojketl ka kipepechua texamitl, nojkiya tlatzontejketl xitlauak.


Ni tlaxitlualistli, amo saj nesis yejyektzi, ni tlej moseuis kuali chachapalme, ua amo se motlatis.

Uelis tij xitlauas iyolik kiampa mochijτίας kakiuili, teipa mouauanas, kampa se ki tojtukis.

Kema ya uaktos kuali, ya uelis mokixtilis, kampa moixkopinki ka uejkapa.



Motekiuis se kuauitl xitlauak kiampa yektzi



Tlachijchialistli tlitujtokili kampa tlalelemekas

Tlej mochijchuias, moneki teposme kej kochilo uextik ua tepostlakualmanelojketl, tlatzontejketl ueyi ika yayampa se ki uauantias tlej mokauati kej se chachapali, uijtzentok. (xikita tlaixnextilili 2 ua 4)



Ki chijchituij i ojui poktli kampa komali ixtlajka kampa kisati poktli



Ki uauanti kampa motlipichis

Nochi ni nechijchialistli, moneki mo uauanas, paj ostume tlatlchi ika uejkapa, pampa nopa poktli ki tokilia ka uejkapa.

Ome ostume katli monamiki ika tepos akatl kampa kisa poktli, nojkia kampa kisa tlitotonilotl yeyeka amo ueli tlauei ueyi, ueli 4 tla inka 6 cm, tla kentzi tlej iueueyaka moneki 10 cm uajka ikuyajka 6 cm, kiampa uelis motekiuis kuali.

Kampa i ojui poktli katli kitotoniya ka ome chachapali amo yayampa katli ki kualtiliya tle kisati poktli.

*Ixteyoli – se nekuapololi moasitok, tla amo kuali mochijchuias i ojui poktli, mokupepa, ua amo lemeni, moneki mochijchuias ixtlajkotok, kiampa uelis kisas poktli, i ojui poktli ke mopeualtia iyojok moneki ixtlajkotiyas, amo mokauas xitlauak, tla inka yeyeka saj ijiyomiki.



Inexka tlitujtokilistli katli iyojok kaltemitl

Motlalis tepos akatl

Moompaka kimilua se tlajko $\frac{1}{2}$ mt. piyotepostzatzayitl, ni kipaleuis kema mo polus sokitl amo tepeuis.



Moita kampa moyaualtzontekis isua tepostli o isua amatl

Mopepecholia sokitl, tepos akatl mo uijkonki piyotepostzatzayitl, tle mopulus sokitl se ome makpili itilajka, kiampa amo se momatlalis. Moneki kej motzontekis uejkapa, nima motlalis pa tepos akatl, ua te ipaj motlalis sokikomali o tepos komali.



Tepos akatl ki uijkoma ika piyotepostzatzayitl

Sempa se ki uiyonilia se ikpatl ka se tlenijki etik, ixitlajka tlej uejkapa ua tlalchi ua sempa ka se tlenijki tepostli sej kikoyonis tlej ikoyajka paj tepos akatl.

Te ipa se ki siajketzas ipa se kototzi teposkuapitzitli, kiampa amo uetzis.



Ki pepecholia sokitl tepos akatl tlej kiampa amo aki momatlalis


Tlaixpepechua

Mo tzonteki kototzi, piyotepostzatzayitl 20x40 cm malakachmimiltik, ua mokoyonia tlajko kej ijkatis tlej ikoyajka pa tepos akatl ua teipa mopoloua kentzi tlaxakualol tetlatixtli, kampa kisa poktli.

Ika $1\frac{1}{2}$ kg. tetlatixtli ua eyi 3 kg xali ki axilis ti tlapepechos.

Ni tlapepecholi moneki yaski ika uejkapa ua kentzi ka tlalchi kiampa amoyok panos atl.

Ika tonilis tlej kiampa uaktos kampa mopepechoj, ya uelis mopulus, pa chapopojtli, tlej kiampa amo panos atl, ua moneki mopias miak nemokuitlauili, amo mopulus ipaj tepos akatl pampa kema miak tlatotonia atias ua ojolokas ua ueli tlatlaz. (xikita tlaixnextili 3)



Ki tlatinemi teposakatl ipa sakakali



Ki pepechua xali tlaxakualoli ika tetlatixtli



Moyualchijchiua kampa momanas chachapali ua komali

Moneki mokauas kentzi kakiuili, kiampa yektzi ti kixkopinas kampa mo-seuis chachapali kema noja tzotzoltik, paj ni kakiuili kampa moneki mokualchijchiuas.




Kimalakachua kampa molonis tzopelikatl



Kimalakachua iyajok tlixiktli kampa molonis etl

Moneki, ika se chachapali katli ki tekiuia mojmostla tlakualchijketl, iyajok motlalilis sokitl, ua sempa momalakachos kiampa mixkopinas, kampa molokotzos.

Ni tekittl ki neki miak tlamachilistli katli kalpiketl, kiampa se ki nextilis ka iyolik ua ki yekos kuali, uelis ki tekiuis tlaj teposchachpali, o sokichachapalme tlej kiampa amo kisas poktli i tzajtzala chachapali, kema petonis mochijchiuas pa pokojtli ya uelis tij lokotzos mo komal, nojkia tij pepechos kuali.



**Se tlanuatili – tlaj tikita, amo totonia mo chachapal o mo komal, uelis mokajki tlauej uejkapa, moneki iuejkapanka o kampa mo xalo mokauas 15 cm, ua kampa komali moneki se mistitl*

Katli moneki kema ti tlakualchiuas

Kema ti tlakualchiuas, uelis tij tzakuas kampa seyok tlikaltemitl, kiampa amo kalakis ajakatl sesek, kiampa yektzi lemenis. (xikita tlaixnextili 7)




Tlalelemekatok



Tlaixnextili 7: Tij tzakuas se tlikaltemitl

Mojmostla uelis tij kixtilis tlikokuanextli katli mo-sentilia, kiampa amo ki tzakuas kampa moojtiya poktli.



Ika kentzi kuauitl totonia

Kuauitl

Moneki motekiuis kuauitl uaktok, amo xoxouik, apaltik tlaj inka, ijiyomikis.

Tlaj moixnamikis, ika ipa tlixiktli, ua ika ni kualtlixiktli! Ueli uejkauas se 5 tla inka 10 minutos, kiampa peuas totonias, ua poktli kisati uejkapa.

Se kini ilijttias kalpiyani kema ya ueejkaj motekiuijtok uejkaua totonixtok ika kentzi kuauitl.



Katli moneki mokuartilijias

Tlaj tij neki uejkauas mo tlixik, moneki tij mokuitlauis mojmotla, kiampa uejkauas.

Tlaj tij mokuitlauis mojmotla mo tlixik, kiampa uejkauas, ua kipiya miak xiuitl, nikaj paj ni Koxtekapan-tlali, eltok tlixiktli ya kipiya matlaktli xiuitl, ua kejipa motekiuijtok.

Tij tzatzaktias kampa kakatzakatias, ua tij alaxos ika kuanextli ua nexkuitlaatl.

Pa tepos akatl moneki tij pojpuas ojome o najnau metztli, tij kixtilis tlili pampa temi ua kitzakua, kema tij pojpuas mo tepos aka, tij temos se ueueyak kuauitl, ua ti kilpilis peseli iyakapa uajka tij pojpuas.

Ua tij uuanas nopa tlili kampa i ojui poktli.

Seyok tlamantli nojkia uelis, tij tajtakanis iyolik kiampa tepeuis pa tlili.

Nojkia uelis tij xauas, nochipa mo tlixik, ika kuanextli o istaknextli kiampa tij paleuis, amo tlauel ueuelokas.

Pano tonali tle se eyi o makuili xiuitl, pa tepos akatl tlatla ua payanti, moneki tij temojtias seyok yankuik tepos akatl, kiampa moyankuilitis.



Tlixiktli tlamokuitlauili tlaaxuali kanextli

Seyok tlamantli uelis mochijchias

Katli monejneuilia ni tlachijchialistli motemoa, katli uelis kuali motekiuis kampa se teyouali.

Sempa se ki itas, kaltentlixiktli tlajko yaualtik o sepa, katli ti kitas kuali mokauas, amoyok motlalilis sokitlaxkili ama motlalilia, se ome teposkuapipitzi kiampa amo uelontiuetzis.



Xikita keniki tij kualtilis mo tlixik ua kampa ti tlitotokis ua kampa tlayokatzi



tekpantexamitl

Tlayekulistli uampux ka uampux

Se ki itas tlej nochi tlayekouanij, ua nochi ti momachtiyani

Moneki se ki pinauis tle ome tlayekolistli, se ki tekiuis tlej ome tlayekolistli kiampa se ki uejkapantlalia to tlaiximatilis.

Yeyeka nopa tlamachtianij moneki, tlanextilisej ika miyaki uampuxme, ua amo mouexmatisej uejueyij tlayekouanij, moneki se yamaktzi tlanamikili, tle aki no kiyekos ua nesis uelis motlatlamanis tlayekolistli, tle moneki kampa teyouali.



Mo machtiyani ki selia nemachtli

Se kipinauis tlayekolistli ua tlaiximatilistli kampa se teyouali.

Kampa ya moyekoliaj tlaiximatili, ya mokaua, ua amo kema ixpoliuis ni yankuik tlaiximatili.

Se tlaiximatili, motzkia, kiampa ya miyakij kitekiuisej.

Se ki kauas se tlamachtilistli itztok ua nejnentok, moumpaka ijtoua, tlamachilistli moneki no yatza nochi mouantise, katli kipiya, ua moyekulia.

Motemoa mochijchias ua momutzkiltis, se tlaiximatilistli, teipa moneki ki iximatisej nochi katli momelauaj pa se teyouali.

Moneki tlaiximatilistli ua amo kuatlaktli, ni tlanextilili moneki se kipixtos, amo kej se tlenijki katli tlami, moneki se ki uikas tlej nochi tonali, yatza katli ya moyekolikej ni tla iximatili, ya eli ini axka.

Moneki nochi moneltokasej paj ni tekittl, moneki ni tlanextilili moskaltis ua momoyauas i pan se tlanechikuli sanse.

Tlej nochi tekitinij uan tlapaleuiyanij moneki ki iximatisej kuali se teyouali kampa uelis tekipanosej, ua momachilisej se tekittl katli kinpaktis.





Petonilistli

Tlej pano tonali mokajti se tlamachilistli teyoualme Nauame ua Koxtekame ipaj ni Koxtekapan tlali tlatokayotl San Luis Potosí, panotiuij paj se tlanextilili kampa moyekolijtiuij yankuik tlanextilili ika se kuali nemilistli.



No yatza kipatitokiliaj ika ueue tlayekolistli ua tlanextilili, katli kiyekoj-tiui ipa ni sentilkanemachtli, nojkiya ki mokuilauijtiui kuatlaxoxouili.

Ni amaixnextijkayotl, ueli an ki asisej se tlanejneuilili patiyu o sankualtzi ipatij, ni tlajueli ke an ki machilijtiasej.

Nochi katli tij machilis, nochi kuali, ua moneki tij yejyekojtias tlej tij kualtilijti ni tlamachilistli tij patitokas nochi ke nemili, kuatlaxoxouili pejka tlayekolistli.

Katli ki uejkapan tlaltuij ni kualtlamachilistli pampa nochi tekittlaolin-iyani ua teyoualme monechikoua ua tekipanoua.

Ipa ni tlanejneuilili nochi katli tlayakananij ua tlapaleuiyanij, tij nekij nochi katli ki iximajtiuij eltiyas iniakxa ua moyakana tlaknelili ua tlapinauili.

“Na tlej katli xiuitl ni juika nij pixtuya no tlixik, ke ipanima tlixiktl, nochi poktli ni kijiyotilantinenki, ua nocha tlapokyua, teipa kema tij chikej ni kualtlaxiktl, niouijtik nij machili tlej nij tekiuis, pampa katli ipa tlixiktl ni temilitijnenki miak kuauitl, ama ni no kualtlaxik kentzi kuauitl ki tekiuia, ua kiampa totonia, uelis ti kixkas, kejpa kamojtli, tlajkayotl, ayoj-tli, o sekinok kuatlaktli, ama ayekmo tlauei ni mixtotonia ua no tlauiak, ayekmo tlauei mojmotla yau i kuajkuaui. Kiampa kijtua nij se” aui, i tokax Maria Adriana Martinez, tlayakanketl tlapaleuijketl paj ni teyouali itokax La Joya Larga, Tlajitk Ueueyak.



Tlapuealtiani ni tlayekolistli



Kipeualtijkej ni tlayekolistli, ua ki moyajkej ni kualtlaxiktl tlej ti kiximatke. Itokax tlixik xalzokitl, ipa ni koxtekapan tlali tlej ni momachtianij motokaxtijkej tlapuealtiani:

Iconegua Tonantlal paj Kaltlamachilistli mo melaua itokax Tlaletla: Reyes Bautista Pérez, Carlos Hernández Hdz, Paulino Balderas Ramírez, Crescencio Hernández Hdz., Abraham Tehran Luis, Santos Hernández Chávez, Santos Hernández Hdz, Inés Terrazas Hernández, Pedro Ríos Cervantes, Jorge Ortiz González, Simón Hernández, Karen Rodríguez Mata, Víctor Hernández Martínez, Fermín Félix Hdz., Rufino Gutiérrez Hdz., Juana García Trejo, Gregorio Sánchez García, Juan González Hdz., Francisco Hernández Martel, María Ester Hernández, Herculano Hernández Martel, Ma. Felicitas Aguilar Francisco, Simón Hernández Sánchez, Calixto Bautista Trejo, Filimon Bautista Resendiz, Genaro Domínguez Hdz., Toribio Hernández Hdz., J. Isabel Morales Sánchez, y Manolo Morán Madrid



Tlapaleuiyani katle tla uliniya

Aki tlapaleuijke paj ni kualtlaxiktl ua ki amatlalke: Gregorio Sánchez García, Simón Hernández, Karen Rodríguez Mata

Pedro Ríos Cervantes: kinahuachijki nojkia tlapaleui paj kualtlaxiktl

Solomon S. Rodd: kiyakana, ixkopinkayotl, ua tlajkuiloltlachijchikayotl

Baldomero Martínez Hernández: ixkopinali, tlamachilistli ua kualchijchikayotl

Claudia Martínez Mendoza: maixkopinkayotl, ixkopinkayotl, tlajkuiloli ua ki tlachixkaui

Francisca Montalvo Trejo: ixkopinkayotl, ua tlajkuiloltlachijchikayotl

Rocío Álvarez Mince: ki yejyekchijki amatlalistli

Ki tlachixkaui ni amatlajkuiloli: ika kaxtilteka tlajtoli Roberto Vega Gonzalez; ika Nahuatl Luciano González Ángela, Instituto Xilitense de Bellas Artes (IXBA); Cecilio Villeda Rosa y José Carmen Vázquez Hdz., Teposuejkakamanali XEANT “La Voz de las Huastecas”

Tekinechikolistli, katli tlapaleuijke:

Tlapaleuil Moskaltijketl - Servicio, Desarrollo y Paz, A.C. (SEDEPAC)

Ua Ueyi Tekitlasentilijketl Motokaxtia Sanse - Sociedad Coop. Agropecuaria La Igualdad de Xilitla (SCAIX)

Tlasentilili Auime - Unión de Mujeres Campesinas e Indígenas de Xilitla (UMCX)

Tlatilanka Tlasentilili Tlej Teyoual Maseualme Ipa ni Koxtekapan Tlali, Motokaxtia - Coordinadora de Organizaciones Campesinas e Indígenas de la Huasteca Potosina (COCIHP)

Tiokamanaltinij Paj ni Tlatilanka Teyoualme - La Pastoral Social y la Pastoral Indígena de la Parroquia de Xilitla



Katli ueli tlatzintokili tlej ni ama tlajkuiloli, tlej ni kualtlixiktili.
Sintla ta tij neki tij matis ika mo nauakamanal o ika seyok
kamanali kampa ta ti itzok, uajka xi tlajkuilo o xi tlatzintoka
ipaj ni tlaolinilistli:

Tlapaleuil Moskaltijketl • Servicio, Desarrollo y Paz A.C.
Tlamachtitlauliniyani kal Tlamachtli Iconeua Tonantlal
Koxtekapan Tlali • Región Huasteca
Uayojtli Kuajtli Temo 215^a • Calle Cuauhtemoc 215^a
Xilitla, Tlaltokayotl S.L.P • Xilitla, San Luis Potosí
CP 79902 Tel/Fax 489-3650279
sedepac.huasteca@yahoo.com

